



ՀԱՅԿԱԿԱՆ ՍԱՀ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ ԹԵՆԻՔԸ



Խ Մ Բ Ա Գ Ր Ա Կ Ա Ն

ՄԵԾ ՀԱՂԹԱՆԱԿԻ 30-ԱՄՅԱԿԸ

(1945—1975)

Մեր մեծ ու փառապանծ հայրենիքը նշում է Հայրենական պատերազմում տարած պատմական հաղթանակի 30-ամյակը:

Մայիսի 9-ն է, մեծ հաղթանակի բերկրատիթ տարեդարձը:

Հիշարժան այդ թվականն աշխարհի բոլոր խաղաղասեր մարդկանց հիշողության մեջ մնում է իբրև մեր բազմազգ երկրի ժողովուրդների անմահ սխրագործության վստիկայություն, հաղթանակ, որն ազատություն բերեց նաև Եվրոպայի մի շարք ստրկացած ժողովուրդներին ու փրկեց մարդկային քաղաքակրթությունը:

1941—1945 թվականներին, Հայրենական պատերազմի օրերին, ահալոր փորձություն էր կախվել մեր հայրենիքի վրա:

Պատերազմ էր, ահալոր կոիվ, որն իր նմանը չունե՞ր աշխարհի և ժողովուրդների պատմության մեջ:

Ու մարտի ելան մեր հայրենիքի բոլոր ժողովուրդները միասիրտ, միակամ՝ պաշտպանելու մեր հայրենի հողը, մեր մշակույթը, մեր ազատությունն ու արժանապատվությունը:

Հայրենական պատերազմում և տարված պատմական հաղթանակի մեջ իրենց արժանի ու փառավոր տեղն ունեն միությանական բոլոր ժողովուրդները, որոնցից յուրաքանչյուրն իր մարտական ավանդն է մուծել հաղթանակի համընդհանուր գանձարանի մեջ:

Հայրենիքի սերը, ընտանիքի՝ սուրբ օջախի պատիվն ու ապահովությունը, մեր հոգեկոթոր, մշակութային արժեքների հանդեպ

սերն ու պաշտամունքը և ազատության, անկախության նկատմամբ մարդասիրական վեճ ու ազնիվ գաղափարները. մեր հայրենիքի մարդկանց ներշնչում էին կորով, ուժ, արդար պայքարի գիտակցության զգացում և, մանավանդ, հաղթանակի անկոտրում հավատ:

Կովում էին կողք-կողքի «Մեծ Տան զավակները», ուսն ու ոկրահնացին, ուզբեկն ու թաթարը, հայն ու վրացին և եղբայրական մյուս ժողովուրդները՝ ուս-ուսի, եղբայրորեն, համերաշխ ու մարտական:

Բովանդակ ժողովուրդը թե՛ ռազմաճակատում, թե՛ թիկունքում ցույց տվեց անկրկնելի հերոսություն, հայրենիքին նվիրվածության սքանչելի օրինակներ: Ահեղ պատերազմի այդ հրդեհներում և մրրիկներում է՛լ ավելի կոիվեց և անխորտակելի դարձավ եղբայրական ժողովուրդների անբախտելի բարեկամությունը:

Բոցերի ու արյան մեջ հերոսանում էին մեր հայրենիքի զավակները: Հաղթանակի ճանապարհը երկարատև էր, դաժան ու դժվարին: Մեր ժողովուրդն անցավ չորս տարվա դաժան պայքարի միջով, կրեց հրկայական զրկանքներ, տվեց անթիվ զոհեր:

Հաղթանակը ձեռք բերվեց արյան ճանապարհով, մեր ժողովրդի կամքի ու պատմական սխրանքի միջոցով: Ընկան շատերը հերոսի մահով՝ հաղթանակի հավատը սրբտեղում:

Սովետական մարդկանց տարած պատմական հաղթանակն անմոտանալի է բոլոր

նրանց համար, ովքեր սիրում են իրենց հայրենիքն ու ազատությունը:

Հայրենիքը չմոռացավ իր հերոս զավակների սիրագործությունը: Հայրենիքի համար մղված պայքարում ընկած մարտիկների հիշատակը սուրբ է մեզ համար և հավետ անմոռաց: Դա մշտական հիշեցում է մեզ և գալիք սերունդների համար: Նրանց ո՛վ է լուսավորվում այսօր մեր հաղթական երթի ճանապարհը: Ընկան մեր հերոսները մարտի դաշտում՝ չխնայելով իրենց կյանքը, ընկան «իմացեալ մահով»՝ մեր այսօրվա գեղեցիկ ու խոստումնալից կյանքի համար: Ընկան հերոսները, բայց մնաց ու հաղթանակեց հայրենիքը, որը չմոռացավ երբեք իր զավակներին և ո՛չ մեկին:

Զոհվածներն ապրում են հավերժ մեզ հետ, և նրանց հիշատակի ոգեկոչումով ու արյան հեղմամբ է՛լ ավելի է գեղեցկանում հաղթանակի այս օրը և հաղթանակի ամեն մի տարի:

Մեծ հաղթանակի օրն է այս տոնական... «Օ՛ր մայիսի, օ՛ր հաղթության»...

Երեսուն տարիներ են մեզ բաժանում պատմական այդ օրից, երբ մեծ հաղթանակ տարավ մեր ժողովուրդը՝ ջախջախելով բռնակալությունը, բարբարոսությունը, հետադիմությունը:

Որքան հեռանում ենք Հայրենական պատերազմի անեղ օրերից, ծանր իրադրություններից, այնքան ավելի է վեհանում և պայծառանում հաղթանակի քերկրանքը, մեր ժողովրդի անմահ սխրանքի մեծությունը:

Հայրենական պատերազմի ժամանակաշրջանն ու նրա իրադրություններն այսօր արդեն ջերմ, կենդանի, ուսանելի և անմոռանալի պատմություն են: Ու պատմության դասերը չեն մոռացվում:

Պատմությունը գիտություն է, իսկ հայրենասիրությունը՝ առաքինություն: Ահա թե ինչու մեր հերոս ժողովուրդը, պատերազմից վերադարձողների հետ միասին, անցած երեսնամյակի ընթացքում հանդես բերեց պատերազմական ժամանակի հստակ արիություն և հերոսություն, մեր նոր ու պայծառ կյանքի կերտման բոլոր ձևերի մեջ: Նրա արձանագրած յուրաքանչյուր հայրենաշեն նվաճումների մեջ ներկա է մեր հերոսների սխրագործությունն ու հերոսությունը, հերոսներ, որոնք փառքով անցան Հայրենական պատերազմի հաղթանակի դժվարին ճանապարհը, չտեսան հաղթանակի քերկրանքը, բայց ընկան հավատով և հույսով հաղթանակի ճանապարհին:

Հաղթանակի լավագույն արգասիքը մեր այսօրվա պայծառ ու ապահով կյանքն է: Մեր հերոսները մարտի դաշտում, բոց ու

արյան մեջ, երազում էին խաղաղ աշխատանքի, երջանկության, սիրո, ազատության մասին՝ հանուն որոնց նրանք ընկան մարտի դաշտում:

Մեր այսօրվա կյանքի ապահովությունն ու մեծագործությունը և՛ մեր հերոսների հիշատակի պահպանումն է, և՛ նրանց սխրանքի շարունակումը:

Այո՛, խաղաղ, հայրենաշեն աշխատանքում է՛լ ավելի է կոփվում ու ամրանում հայրենական մեծ հաղթանակը:

Հաղթանակի վեհությունը որոշվում է նաև նրա համաշխարհային պատմական նշանակությամբ: Հաղթանակը բաց արեց շատ երկրների ժողովուրդների համար ազատության, անկախության, ազգային-ազատագրական շարժման և հառաջադիմության ուղին: Հայրենական պատերազմում ձեռք բերված հաղթանակով որոշվում էր ոչ միայն բազում ժողովուրդների ճակատագրերը, այլ նաև քաղաքակրթության բախտը, մարդկության ներկա և եկող սերունդների բախտը:

Ֆաշիզմի դեմ մղված ազատագրական մարտերում և մեծ հաղթանակի մեջ եղբայրական ժողովուրդների շարքերում մարտական իր արժանի տեղն է գրավել նաև հայ ժողովուրդը, որը ոգևորությամբ և ազնվությամբ կատարեց իր ժողովրդական, քաղաքացիական և հայրենասիրական-պետական պարտականությունները:

Հայրենական պատերազմին մասնակցել են ավելի քան 600 հազար հայ ռազմիկներ: Պատերազմի ընթացքում կազմակերպեցին 89-րդ, 408-րդ և 409-րդ հայկական հրաձգային դիվիզիաները, որոնք հերոսական քաջագործություններով պասկեցին իրենց մարտական ուղին և «փառքով դրեցին սուրբ պատվան»: Ծորշ 70 հազար հայ յորդիներ պարգևատրվեցին մարտական շքանշաններով և մեդալներով: 104 հոգի արժանացան հերոսի կոչման: Իրենց ռազմագիտական հմտությամբ, սխրանքով, զինվորական հրամանատարական բարձրագույն կոչման հասան ավելի քան 50 հազար զինվորականի զորավարներ:

Մեր ժողովրդի քաջարի զավակները Կովկասյան նախալեռներից մինչև Բեռլին հասան փառքով ու հերոսությամբ և իրենց մարտական երթը նշանավորեցին դժվարին հաղթանակներով, անօրինակ սխրանքով՝ հավատարիմ իրենց հայրենասեր նախնիների զինվորական ավանդներին:

Հայրենական մեծ հաղթանակի մեջ իր արժանի բաժինն ունեցավ Մայր Աթոռը ու նրա օրհնության ներքո նաև՝ սփյուռքի հայությունը:

Ս. Էջմիածինը, որպես հայրենասիրա-

կան վառ ու պատմական օջախ, միշտ օրհնել է հայ ժողովրդի հերոսական դիմաւորության ոգին, ներշնչել ազգային անկախության գաղափարը և խաչն ու Ավետարանը ձեռքին հայ զորքն առաջնորդել դեպի հաղթություն՝ Վարդանանց օրերից մինչև Ասորդարապատի հերոսամարտը:

Հայրենական պատերազմի առաջին իսկ օրերից Մայր Աթոռը հայրենիքի կողքին, իր ժողովրդի հետ միասին, հանդես եկավ հայրենակներ իր գործունեությամբ՝ հավատարիմ իր պատմությանն ու հայրենասիրական առաքելությանը:

Մայր Աթոռն իրավունք չունեւ լռելու, երբ մի անգամ ևս մեր սիրելի հայրենիքն ու ժողովուրդը կանգնել էին մեծ վտանգի առաջ:

Հայրենական պատերազմի առաջին օրերից, 1941 թվականի հուլիսի 30-ից, ազգընտիր տեղակալ տ. Գևորգ արքեպ. Չորեքչյանը հանդես եկավ հայ ժողովրդին ուղղված հայրենասիրական, սրտատուչ կոչով՝ դատապարտելով պատերազմը և ողջ հայությանը, որ ի հայրենիս և մանավանդ ի սփյուռն աշխարհի, համախմբելով հայրենիքի շուրջ: Նա պատգամում էր այդ անեղ ժամին.

«Թող մեր արյունը թափվի մարտիրոսների արյան նման, միայն թե մեր հայրենիքն ու եկեղեցին չընկնի հեթանոսների ձեռքը...»: «Հայը, բացի Սովետական Հայաստանից, չունի ա՛յլ հայրենիք». «աջակցել Խորհրդային Միության նշանակում է աջակցել հայրենիքին: Խորհրդային Միության հաղթանակը՝ հաղթանակն է նաև հայ ժողովրդի»:

Ազգընտիր տեղակալը հայրենասիրական այսպիսի կոչերով դիմում էր սփյուռքի հայությանը՝ կազմակերպելու համար «Սասունցի Դավիթ» անվամբ լուսակային շարասյան կառուցումը՝ որպես սփյուռքի նկերը հայրենիքին:

Սփյուռքը ջերմորեն արձագանքում էր հայրենասեր կաթողիկոսական տեղակալի կոչին:

Սփյուռքի մեր նվիրապետական Աթոռները, թեմերը, թեմական կազմակերպությունները, հայրենակցական միությունները և բովանդակ ժողովուրդը մեկ մարդու նման ոտքի էր կանգնում ազգընտիր տեղակալի հայրենասիրական կոչերով ոգևորված և իր բարոյական, նյութական աջակցությունն էր

բերում, սիրով և զոհողությամբ, հայրենիքի հաղթանակին: Ամեն կողմ տեսչվում են հանգանակիչ հանձնաժողովներ, որոնց սեպուն պարտքն է լինում՝ օգնել հայրենիքին և նազմանակատին:

«Էջմիածին» ամսագրի սույն համարում (էջ 8), մեծ մասամբ առաջին անգամ լինելով, տպագրվում են տ. Գևորգ արքեպ. Չորեքչյանի հայրենասիրական կոչերը, Հայրենական պատերազմում Մայր Աթոռի, սփյուռքի մեր նվիրապետական Աթոռների, թեմերի հայրենասիրական գործունեությանը նվիրված փաստաթղթեր, որոնցում հստակորեն երևում է, որ Մայր Աթոռն ու սփյուռքը գիտակցում էին, որ 1941—1945 թվականների ծանր օրերին որոշվում էին նաև ընդհանրապես Հայաստանի և ողջ հայ ժողովրդի բախտն ու ապագան, և թե որքան կարևոր էր նաև հայ եկեղեցու, սփյուռքի բովանդակ հայության բարոյական ու նյութական աջակցությունը սրբազան այդ պատերազմում՝ ի պաշտպանություն մեր հայրենիքի և ժողովրդի:

Մայր Աթոռի և սփյուռքի հայության հայրենասիրական գործունեությունը ջերմորեն արժանանում էր հայրենի և կենտրոնական կառավարության երախտագիտությանն ու շնորհակալությանը, ինչպես հաստատում են հրատարակվող փաստաթղթերը:

Մեծ հաղթանակի օրերից հետո, անցնող 30 տարիների ընթացքում, Մայր Աթոռը շարունակեց իր հայրենասիրական գործունեությունն ու առաքելությունը նաև խաղաղ պայմաններում, մանավանդ Տ. Տ. Վազգեն Ա հայրենասեր կաթողիկոսի գահակալության 20 տարիների ժամանակամիջոցում:

Մայր Աթոռի այս օրերի հայրենասիրական գործունեությունը ճշմարիտ արտահայտությունն է անցյալի մեր մեծ հայրապետների եկեղեցաշեն ու հայրենակներ գործունեության, հայրապետներ, որոնք միզ ու ջանք չեն խնայել՝ իրենց ժամանակի և պայմանների պահանջների համաձայն ծառայելու հայ ժողովրդին, նրա հայրենիքին և մարդկության նվիրական իղձերի կենսագործմանը:

Փա՛ռք Մեծ հաղթանակը կերտող մեր հայրենիքին, մեր մարտիկներին և ժողովրդին:

Ա. Հ.

